

Rapport d'igl administratur pleiv catolica romana Trun, 2023

En miu novavel rapport relatel sur da mias activitats sco administratur dall' entira pleiv:

a) Casa pervenda Trun:

El rapport 2022 havevel menziunau che nus fagein lavurs internas per ca. fr. 60'000. Dalla radunonza generala 2023 havein dumandau per in credit da fr. 100'000 per renovaziuns pli grondas. Havein schau far ina calculaziun da rudien Patrick Rothmund. Cura che la summa vargava fr. ¼ mil. vein stui desister da far las lavurs. Havein fatg il pli necessari. Niev parchett all' entrada, stiva sisu e diversas lavurs da scrinari, colurau las preits dallas combras e zulers e mess novs plisses vid las finiastras. Cuosts da quellas lavurs ein stai fr.43'000.

b) Schlans:

Sinaquei che la calustra Georgina Flepp-Cahannes ha demissionau sil davos da settember 2023, havein giu dad encurir in/a caluster/a. Beingleiti havein anflau en las personas Angelo ed Erica Cavegn-Pfister dus fetg engaschai calusters. Bien engraziament. La electronica vid ils indrez dil tuchiez havein stui remplazzar. Quei ha la fatschenta specialisada Muff AG Kirchturmtechnik fatg. Ils cuosts da ca. fr. 8'000 ein vegni parti, ½ alla pleiv Trun e ½ alla vischnaunca Trun. La scala per ir sin clutger ei en in fetg schliet stan, nus stuein remplazzar quella.

c) Zignau: Ei stau ruasseivel.

d) Nossadunna dalla Glisch:

La messa dalla fiasta Num da Maria ei vegnida tenuta sco usitau el liber, senza far si igl altar usitau. Vinavon havein fatg ina nova ruta da processiuin.

e) Beins:

Igl affitader dils beins si Schlans, Yves e Stefanie Hänggi-Berli, han dau giu sil davos da december 2023, las parcellas, nr. 6042, 6057, 6072 e la garascha, parcella 6260.

Nus havein publicau el feagl ufficial surselva l' entschatta december 2023 las parcellas per affitar.

La garascha, parcella nr. 6260 havein affitau ad Angelo ed Erica Cavegn-Pfister, Schlans.

Las parcellas nr. 6040 e 6057 havein affitau a Silvio Pfister, Schlans.

La parcella nr. 6072 havein affitau a Ervin Cathomen, Schlans.

Jeu engraziel cordialmein a tuttas calustras e caluster, sco era allas ugauas ed ugaus capluttas per la buna lavur ch'ei fan glentir onn ora. Bien engraziament.

Suenter 10 onns sco administratur dils beins, pleiv catolica romana Trun, abdicheschel sil davos d'avrel 2025.

Per personas che vessen interess, stundel bugen a disposiziun per dar sclariments.

Trun, mars 2024

igl administratur:

Benedetg Albin